

PEKELILING PENTADBIRAN BIL. 4/2004

GALAKAN MEMAKAI PAKAIAN BATIK OLEH STAF UNIVERSITI

Adalah dimaklumkan bahawa pihak Pengurusan Universiti melalui Majlis Eksekutif yang bermesyuarat pada 21 Januari 2004 telah bersetuju untuk menerima pakai arahan Kerajaan melalui surat Jabatan Perkhidmatan Awam dalam siri JPA(S)TT.193/37/Jld.4 () bertarikh 16 Disember 2003 dan juga arahan Kerajaan Negeri Melaka melalui surat Jabatan Ketua Menteri Melaka dalam siri JKMM.223/4/4/Jld.10(48) bertarikh 24 Disember 2003 yang telah memutuskan untuk menggalakkan pegawai awam agar memakai pakaian batik sebagai sebahagian pakaian rasmi semasa bekerja.

2.0 Sebagai Badan Berkanun Persekutuan, KUTKM juga harus membuktikan komitmen sebagai sebuah agensi Kerajaan untuk menyokong dan mendukung hasrat Kerajaan menggalakkan pemakaian batik oleh setiap pegawai awam.

3.0 Sehubungan dengan itu, staf adalah digalakkan berpakaian batik (buatan Malaysia) pada setiap hari Sabtu di samping dipakai juga pada majlis-majlis rasmi yang sesuai yang ditentukan oleh pihak Pengurusan Universiti. Bagi staf lelaki, mereka hendaklah memakai baju batik berlengan panjang dan berkolar, manakala bagi staf wanita pula mereka boleh memakai pakaian batik yang bersesuaian. Walau bagaimanapun, keputusan ini tidak terpakai kepada staf yang dikehendaki memakai pakaian seragam dan juga apabila Ketua Pejabat menetapkan pemakaian jenis pakaian yang lain berdasarkan keperluan sesuatu majlis pada hari Sabtu yang tersebut.

4.0 Berikutan daripada galakan di atas, adalah diputuskan bahawa pemakaian 'baju korporat KUTKM' yang sebelum ini digalakkan dipakai pada setiap hari Sabtu diubah untuk digalakkan di pakai pada hari-hari lain selain hari Sabtu.

5.0 Keputusan ini adalah berkuat kuasa serta merta.

Sekian, dimaklumkan.

Terima kasih.

Saya yang menurut perintah

HASAN BIN SIRUN

Pendaftar

/nem

sk YBhg. Datuk Rektor

YBhg. Datuk Timbalan Rektor (Akademik)

YBhg. Timbalan Rektor (Pembangunan & Perancangan Korporat)

Pegawai-pegawai Kanan / Dekan